



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 10. Bartholomæi Latomi extrema.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

quirendis operam navavit; præterea, ut testatur Bibliothecæ Hispanæ Scrip-
tor, Genealogias illustrium Hispaniæ
Familiarum conscripsit, & tandem an-
no ætatis suæ quinquagesimo octavo, ut
in ejus epitaphio expressum legitur, die
tertia Decembris Anno post Christum
natum millesimo quingentesimo sexa-
gesimo sexto in Burgenfi civitate deces-
sit, cujus tamen corpus Concham de-
latum in Mendozarum tumulo, quod
in Ecclesia Cathedrali erectum erat, re-
ponebatur.

Sæcul. XVI.
A.C. 1566.

§. X.

Bartholomæi Latomi extrema.

Eodem hoc anno millesimo quingen-
tesimo sexagesimo sexto plures Au-
thores Catholici, Theologi, Juriscon-
sulti, aliique viri vivis erepti sunt, quos
inter primus est Bartholomæus Lato-
mus Parisiis Professor Regius Anno Do-
mini millesimo quadringentesimo octo-
gesimo septimo Arluci in Lucembur-
genfi Diæcesi natus. Hic latini sermo-
nis peritissimus, idem idioma Treviris,
Colonix, & Friburgi, ubi præcipuum
erat Collegium, tradebat, atque Anno
a Christi Nativitate millesimo quingen-
tesimo trigesimo quarto Parisios dela-
tus est, ubi in Collegio regio, quod
Franciscus I. Galliarum Rex erexit, ar-
tem

Valere
Andre in
Bibl. Belg.
Dupin Bibl.
des Auth.
Eccl. t. 16.
pag. 41.
et su. v.

Sæcul. XVI.
A.C.1566.

tem Rhetoricam docuit cum eximia nominis sui fama, qua Budæi, Erasmi, aliorumque sui ævi Doctorum benevolentiam sibi promerebatur, adeo, ut cum eis arcta amicitia junctus evaderet: postea juvenis adhuc Ciceronem, Terentium, Horatiique carmina, necnon plures alios profanos Authores notis illustrabat, nec pauca Rhetorices opuscula elucubravit: Anno autem Domini millesimo quingentesimo quadagesimo tertio in Germaniam secessit, ubi Protestantium libris singulari studio discussis, eos confutabat, editis quibusdam dogmaticis libris, ex quibus primus erat responsum ad Martinum Bucerum, in quo quatuor stabilivit capita, scilicet Communionem sub una specie, & Invocationem Sanctorum necnon Cœlibatum Presbyterorum, atque Ecclesiæ auctoritatem: divulgato hoc libro, Anno post Christum natum millesimo quingentesimo quadagesimo quarto Bucerus quidem respondere nitebatur, mox autem Latomus illum circa eadem capita refellebat: porro cum Latomus in suo opere asseruisset, quod primitiva Ecclesia id, quod Christus, & Apostoli quoad communionem sub utraque specie exercuerunt, tamdiu conservavit, donec a Patribus edocta deprehenderet, quod
ambæ

ambæ hæ species folis Presbyteris con-
 venienter dentur, ac populus unica
 specie contentus sit: hanc doctri-
 nam quidam Lutheri hæresi infectus,
 qui Joannes Andre vocabatur, erat
 que Coppingensis Minister, impugnabat:
 Latomus sententiam suam egregie
 tuebatur edito libello, cui titulus:
*Tractatus de docta simplicitate, Calicis
 usu, & sanctæ Missæ Sacrificio*, ubi
 demonstrat, ipsius conatus eo fuisse
 directos, ut ostenderet, quod disciplina
 progressu temporis magis perfecta red-
 di possit, quin Ecclesiam erroris ex eo
 insimulare intenderit, eoquod hunc
 usum immutarit. Divulgabatur hic tra-
 ctatus Anno reparatæ Salutis millesi-
 mo quingentesimo quinquagesimo nono,
 cui aliud adhuc adjunctum erat opus
 de Eucharistia, sanctoque Missæ Sa-
 crificio: postquam vero Petrus Dathenus
 Yprensis Franciscanus, qui a vera
 fide defecerat, plures injurias, & con-
 vitia in Catholicos editis libellis evo-
 muisset, Latomus cunctas hæc falsas
 criminationes Anno a partu Virginis
 millesimo quingentesimo quinquagesi-
 mo sexto confutabat libro typis excu-
 so, cui titulus: *responsum ad Dathenum
 Franciscanum Apostatam*: insuper hic idem
 Scriptor plures reliquit epistolas ad
 Sturmium de schismate, ac Germaniæ
 Eccle-

Sæcul. XVI.
 A.C. 1566.

Sæcul. XVI. Ecclesiarum statu datas, quæ unacum
A.C. 1566. ejusdem Sturmii literis Anno Incarnati-
 onis Dominicæ millesimo quingentesi-
 mo sexagesimo sexto, quo Latomus
 Confluentiæ plusquam octogenarius
 obiit, Argentinis literis excusæ pro-
 dierunt.

§. XI.

Georgii Cassandri fata.

Thuan. l. 28. Alter erat Georgius Cassander Brugen-
36. & 38. sis, seu potius in Insula Cassandra,
Dupin. l. c. a qua & nomen mutuavit, prope Bru-
pag. 42. gas Anno Christi millesimo quingente-
Valere l. c. simo decimo quinto natus. Hic Bru-
 gis, Gandavi, & aliis in locis huma-
 niores literas cum maxima laude tra-
 didit, & totum sese explicandis fidei
 controversiis sacravit, ac præprimis
 hanc in rem de officio viri, qui pie-
 tati, & publicæ tranquillitati in hoc
 Religionis dissidio studere cupit, opus
 edidit, cum autem hic liber Anno mil-
 lesimo quingentesimo sexagesimo se-
 cundo typis impressus primo in Gal-
 liis nonnisi cura Francisci Balduini pro-
 daret, atque hic idem primus eundem
 in Franciam invexisset, suppresso Cas-
 sandri nomine, hinc illius Author cre-
 debatur Balduinus, quo etiam errore
 deceptus Calvinus livido admodum ca-
 lamo adversus eundem scripsit: ast cum
 Bal-